



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicationem Pagina
Indicabit

V. P. Gasparis Druzbicki, Societatis Jesu, Provisiones Senectutis, Per Tres
Partes Distributæ - In quibus raræ ac penenecessariæ Veritates, cum
omnibus Christi fidelibus, tum potissimum Gratiarum Cœlestium,
lucrorumque æternorum avidibus, quà theoreticè, quà practicè
proponuntur

Družbicki, Kaspar

Ingolstadii, 1732

VD18 90066391

Provisio 9. Per Communicationem omnium creaturarum tecum.

urn:nbn:de:hbz:466:1-45462

PROVISIO IX.

*Per Communicationem omnium creatura-
rum tecum.*

Opposita priori, sed ex iisdem deducta fontibus Provisionis faciendæ ratio. Sumus omnes unius Patris filii, unius fontis rivi, unius Hæreditis possessio, unius Patrisfamilias familia, ergo omnium nostrum communis debet esse in rem nostri Patrisfamilias labor, in rem Possessoris & Hæreditis redditus seu fructus, in honorem Patris, veneratio, ergo quod facit unus, tanquam omnes facere debet, & omnes facere debent, quod faciunt omnes tanquam etiam unus facere, & unus quoque facere tenetur. Nimirum respectu Dei, creaturarum omnium omnia sunt communia, sicut creaturæ omnes in Deo sunt unum, & Dei sunt omnes, & Deo sunt omnes.

Hoc supposito, jam Provisionis præsentis substantia in hoc consistet, ut homo divitarum spiritualium cumulandarum perstudiosus, partim sciat, partim faciat (voluntatis intentione) se unum eundemque cum omnibus creaturis & rebus: unum autem per & propter Naturæ communionem & conditionem, majorem quidem cum aliis, minorem vero cum aliis, cum omnibus tamen aliquam, & certè non exiguum neque unam. Etenim cum omnibus habet commune Originale suum Nihil & non esse, ex quo est, cum omnibus etiam habet communem creatorem, à quo ex non esse ad esse traductus est, cum omnibus habet communem fontem essendi, sci licet Dei essentiam, cuius participatione aliquid

V.P.Druz. Op. VII.

K

omnia

omnia sunt, & cuius similitudinem bonitatem, potentiam, omnia aliquo modo imitantur: communem habet etiam, cum omnibus aliquem, factum unum, gradum Naturæ. Est enim sicut omnia sunt, vivit sicut omnia viventia, sentit sicut sentientia omnia, intelligit sicut rationalia omnia, spiritus est ex parte, sicut omnia spiritualia: communem etiam finem cum omnibus, Dei scilicet gloriam & servitutem, cum plerisque etiam, viam gratiæ & gloriæ, fidei quoque, spei, charitatis, Sacramentorum etiam & Sacrificiorum, legum, rituum aliorumque mediorum, fini seu naturali, seu supernaturali subservientium. His potest addi communio Nationis, sanguinis seu generationis, cohabitationis in una domo, urbe, Regione, & alia his similia.

Sic unum cum omnibus se partim sciens partim faciens homo, omnia etiam omnium rerum sua partim sciatur, partim faciat (sive sint ea Natura & Entitates & personæ & supposita, sive partes & potentiarum, sive operationes passionesque, sive effectus & circumstantiarum & conditiones & possibilitates, & atomi & denique omnia ad omnes attinentia) omnia sibi usurpet, omnia se quoque cum omnibus, in omnibus, per omnes operari & pati sciatur, faciatque intendendo: omnia hæc in Deum, in ejus gloriam, obsequium, venerationem, dilectionemque dilectionisque affectum dirigat, omnia virtutibus & conditionibus supernaturalibus, & ad meritum gratiæ gloriæque apud Deum idoneis imbuat, Fine atque scopo, quo potest & vult sublimissimo, Divinoque gustui placitissimo afficiat, Sanguini & meritis IESU Christi, omniumque Electorum uniat, ornet oppretiet: perinde

perinde ac si omnia ejus essent, sicuti revera sunt
ejus, cum sint eorum, qui sunt aliquid ejus, &
unum quiddam cum ipso, & intentione, applica-
tione, usurpatione, directione ejus, propriâ
facta sint, & fiant ejus.

Licebit ergo homini, omnes res inanimatas,
summo cœlo ad usque terræ centrum contentas,
omnes, inquam, & singulas, omnesque earum
partes, vires, effectus, alterationes, atomos,
quæ fuerunt, sunt, erunt, esse possunt, in se
quasi unum, vel se unum in omnes, transferre
& impersonare: & pro omnibus, cum omni-
bus, in omnibus, denique omnibus illis, Deum
agnoscere, amare, laudare, exaltare, vene-
rari, voluntatem ejus exequi, se humiliare, se in
ejus manus dare, donare, resignare. Deum
prædicare, voluntatem ejus annuntiare, modo
illo quo cœli enarrant gloriam Dei, & opera ma- Psal. 18.
num ejus annuntiat firmamentum, illo modo, quo
dies diei eruat verbum, & nox nocti indicat scien-
tiam, adeò quidem luculenter & sonore, ut in
omnem terram exiverit sonus eorum, & in fines or-
bis terræ verba eorum. Si enim cœli enarrant Dei
gloriam, etiam faciunt Dei voluntatem, etiam pos-
sunt se humiliare coram Deo, etiam possunt se sub-
dere Deo, etiam possunt agere gratias Deo, etiam
possunt justitiam, misericordiam, dilectionem ex-
hibere aliis propter Deum, eo modo, quo per in-
natam capacitatem jubentur à Deo. Et quod faci-
unt cœli, facit sol, luna, planetæ, stellæ, faciunt
virtutes siderum, & lumen & motus; facit ignis,
aer, aqua, terra, cum omnibus quæ in eis sunt.
His si accedat hominis alicujus vè creaturæ ratio-

nalis intentio applicatioque devota, melius & nobilius & gratius Deo, & utilius homini, id ipsum facient.

Licebit consimili ratione homini, omnes res viventes, vitam vegetativam habentes, cum suis omnibus accidentibus, conditionibus, circumstantiis, suas facere, se omnibus inferere, unire, impersonare, & quidquid illæ sunt, agunt, patiuntur, his omnibus in Deum ferri & affici, hæcque omnia morali bonitate supernaturali virtutibusque quibuslibet Deo gratiosis imbure, Deoque offerre, Deum omnibus, & pro omnibus laudare, colere, amare, Deo obedientiam, justitiam, charitatem sui & proximi, misericordiam, modestiam, mansuetudinem, humilitatem, patientiam, castitatem, devotionem, & quidquid demum Deo placitum est, his, & pro his omnibus, jam suis, & à se perfecitis exhibere, atque præsentare. Moveatur folium in arbore, eum motum faciat hominis voluntas suum, faciat eum humilitatis, obedientiæ, timoris, fiduciæ, amoris actum, toties humiliabitur voluntas hominis coram Deo, toties obediens, amat Deum, quoties movebitur folium. Par de aliis ratio.

Licebit hoc ipsum homini facere cum omnibus animantibus brutis, volatilibus, Natalibus, gradientibus, serpentibus atque reptilibus; omne quidquid illa sunt, possunt, agunt, patiuntur, in totis se aut suis partibus exterius interiusque, per omnes sensus suos exteriores interioresve faciat homo suum, faciat se, faciat tanquam factum perpeccatum ve à se, & per se (per hoc enim factum, & fit, cum quo habet commune esse)

elius &
ni, id.
omnes
es, cum
us, cir-
fserere,
, agunt,
& affici,
aturali,
imbu-
& pro
o obe-
roximi,
dinem,
evotio-
um est,
e perfe-
atur fo-
inis vo-
bedien-
tieshu-
, toties
itetur fo-
n omni-
atalibus,
s; omne
ntur, in
que, per
vè facia
factum
nim fa-
ne esse)
im-
atuat hoc intentione directa in Deum, & ob-
latâ offerenteque hæc omnia eidem Deo ; im-
buat supernaturalitate, finis aut medii, imbuat
virtute seu Theologica, seu morali quacunque,
imbuat actu cujuscunque virtutis, perfectionis,
sublimitatis, imbuat unione meritorum Christi
& Electorum ejus. Quidquid omnia & singula
fecerunt, faciunt, facient, facere possent, si essent,
quidquid etiam patientur, quavis alteratione, in
se totis, in suis partibus, in suis atomis ; totum
id meritorum erit homini per intentionem hæc
sublimanti, & suum facienti, Divinæque volun-
tati & gustui probanti, erit inquam meritorum
gratiæ & gloriæ, erit augmentativum omnis vir-
utis, perfectionis, habitusque boni.

Licebit hoc ipsum homini facere cum omni-
bus Rationalibus creaturis, sive sint homines re-
liqui, sive sint Angeli & Spiritus puri. Totum
hoc quod homines præteriti, præsentes, futuri,
possibiles, item quod Angeli existentes, aut
possibiles, sunt, agunt, patiuntur, in totis se, in
potentiis, viribus, partibus, atomis, momentis,
eternitatibus suis, faciat homo suum, faciat à se
factum seu perpetuum, in corpore, in anima, in
persona, in externis, attingentibusque rebus,
circumstantiis, conditionibus: Deo hæc omnia
singula, tanquam sua appropriata sibi offerat, his
singulis omnibusque DEUM credat, speret,
amet, laudet &c. tanquam bonum suum omne,
supremum, ultimum, supernaturale. Imbuat
hæc omnia fine supernaturali, virtute supernatu-
rali, una & pluribus, imbuat perfectione variâ,
sublimi, Deo gratiosâ, uniat meritis Christi &
Electorum ejus. Totum hoc erit homini sic im-

buenti & operanti meritorum gratiæ & gloria æternæ. Sive creaturarum rationalium actiones, passionesque fuerint puræ, naturales sive supernaturales, sive fuerint bona moraliter, sive tantum entitativè, sive fuerint sanctæ & justæ, ac meritoriæ, sive fuerint etiam malæ ac peccaminosæ, sed quatenus (exclusâ malitiâ morali) habent entitativam bonitatem, ad quam Deus ipse per se concurrit, tanquam causa prima, eumque concursum & actum ut talem ad suam gloriam, ad aliosque sibi volitos fines refert. Quo fiet, ut actiones malæ, quæ operantibus erunt damnabiles: homini modo dicto, eas intendentि, & in Deum referenti, erunt salutares, & ad gratiam gloriamque cæteraque bona Spiritualia proficiunt: Perinde quomodo dictum est, easdem actiones à Deo fieri, ad se referri, & ad gloriam nominis sui augendam, voluntatemque suam perficiendam converti. Itaque hunc in modum operanti, in suumque usum & fructum spiritualem convertenti omnia Homini, nulla erunt opera otiosa, nulla malitiosa, nulla perditione digna, sed omnia & singula, etiam damnatorum in inferno, erunt illi sancta, pia, justa, meritoria, grata Deo, & digna Beatitudinis æternæ præmio.

Et quid potest hac industriâ esse feraciùs, quid hac provisione ditiùs, simulque optabilius, modo ne Operantium hominum, divitiasque Spiritus cupientium cesset langueatque industria. Neque est quòd quis hæc reputet ardua, difficulta, & laboriosa. Nam in primis solius est hoc liberæ pia voluntatis opus, quod internum tantummodo esse sufficit; sufficit etiam interdum solum!

solum, identitemque reassumptum, repetitum, ratificatum esse, quod penè momentaneo voluntatis actu peragi potest: usu moderatè frequenti habitus contractus in animo, totum negotium facilitat, & in naturalem actionem convertit. Postremò in hoc peragendo, nihil omnino plus est laboris, quām est in simplici vulgarique nostra operatione, nostrorumque priorum operum supernaturali & meritoria transactione. Probet qui volet, & advertet oculis suis tantundem esse in hoc atque in illo operandi modo laboris, temporis, fatigationis, conatus, reflexionis, memoriae & similium requi-
sitorum.

Quare difficultas neminem deterrere debet ab hujus Provisionis exercitatione: quæ difficultas ut aliqua sit, satis, superque, & valdè excessivè compensatur Immensa fructuositate atque fæcunditate, quæ propemodum major & omni humana opinione, & spe, & cupiditate. Quod si in avaritia temporalium rerum videmus non minui cupiditatem avarorum hominum, sed potius augescere amplius ampliusque etiam extrema senectute gravescentium: quos difficultas augendi non deterret, neque ætate fractos licet, frangit; quid convenit facere? quomodo affici? quomodo invalescere & inardescere ampliori cupiditate divitiarum spiritualium æternarum Divinarumque, homines ad earum studium, & curam, & cumulationem factos, natos, ordinatos, quantumlibet corporeis viribus & annis debiles atque fractos! Si in perdite avaris crescit appetit nummi, quantum ipsa pecunia crescit: ita ut qui conquisivit decem millia nummorum, non

K. 4

cupiat

cupiat acquirere insuper unum nummum , vel
 duos , vel decem , vel etiam mille solum , sed ex-
 ardescat in cupiditatem studiumque conquiren-
 di vel alia decem millia , vel etiam viginti millia ;
 in Sancta & salutari avaritia cœlestium divitiarum,
 quarum usus sit per omnem æternitatem , & qua-
 rum demum sit & cumulus & merces & finis
 Deus , quo nihil majus ; nonne addecet homi-
 nes Divinos , ut in eis crescat amor , crescat cona-
 tus acquirendi thesauri cœlestis , tantum quan-
 tum ipse thesaurus crescit ? ita ut nulla se offerat
 industria ditescendi , quam non sipienti & insati-
 bili animo , apprehendant , exerceant , continu-
 ent , & in omni labore , conatuque non tantum
 perseverent indeficienter , sed progrediantur ad
 alia aliaque , ad ampliora & ampliora inexple-
 biliter .

PROVISION.

*Per Communicationem cum Deo & ejus di-
vitius atque Operibus ad Extra.*

A Perit (an operit melius dicam ?) adhuc sele-
 tus nobis Provisio quædam , quâ , si nobis adi-
 tus patefiat , et si ad usum exercitiumque ejus , ex
 Dei quidem parte liceat , ex nostro autem stu-
 dio libeat , absque ulla & comparatione , & du-
 bitatione , in immensum immensius ditescere ex
 divitiis thesaurisque spiritualibus liceat . DEUS
 namque est , & DEUS quantus quantus est , qui
 venit nobis , exhibetque se , ut ex eo , ex omni-
 busque bonis ejus Provisionem nobis faciamus
 quâ in æternum , & fruamur , & glorificemur .
 Utinam ejus explicationi nec intellectus suc-

cum-